



**Rigor Moderatus Doctrinæ Pontificiæ Circa Usuras A SS.
D. N. Benedicto XIV. Per Epistolam Encyclicam Episcopis
Italiæ Traditus**

Sancti Rigoris Specimina Exhibens - Mense Decembri M DCC XLVII

Zech, Franz Xaver

Ingolstadii, 1747

Caput IV. Specimen IV. Sancti Rigoris. §.120. Ex Lucro Mutuatarii Non Fit
Licitum Lucrum Mutuantis. (§.5)

[urn:nbn:de:hbz:466:1-63759](#)

gitimus titulus, qui lucrum ultra sortem perceptum ab usuraria pravitate immune reddat. An autem titulus ille, quem assignat P. PICHLER, sit legitimus, hoc loco non disceptamus.



CAPUT IV.

Specimen IV. Sandi Rigoris.

§. 120.

EX LUCRO MUTUATARI NON FIT LICITUM LUCRUM MUTUANTIS. (§. 5.)

§. 121.

IN quatuor fere Classes distingui possunt, qui mutuas *Mutuas* quærunt pecunias. Vel enim I. sunt pauperes, qui pro *pecunias* sua sustentatione iis ita indigent, ut deinceps reddere non *querenti* possint. Vel II. sunt sat bene habentes, nunc tamen *præsum* fenti pecunia opus habent, forte pro elocanda filia &c: eandem postea facile reddituri. Vel sunt III. ejusmodi homines, qui opes suas omnes in superba supellectile, numero famulitio, vestium pompa repositas habent, semper tamen mutuatis pecuniis indigent, ne gulæ, ostentationi, & luxui unquam fomenta deficiant. Vel deum IV. sunt ii, qui quæstuosas negotiationes exercent, aut novos fundos ac prædia coëmere cogitant: unde pecunias mutuas quærunt, quarum subsidio divitias suas cumulent.

§. 122.

Primam horum *classem* quod attinet, scilicet pauores, qui coguntur mutuum quærere, ut suæ necessitati

H 3

con-

62 Cap. IV. *Lucrum debitoris non excusat usuram.*

consulant; ab his si usuras exigas, injustitiae crimen, cuius reum se omnis foenerator facit, cumulabis insuper immanis celere contra misericordiam, charitatem, aliasque non tantum Christiano, sed homini cuivis convenientes virtutes. His enim non mutuum, sed eleemosyna danda est.

§. 123.

Classis II. De altera classe (§. 121. II.) fatentur ipsi usurarum Patroni, usuras ab iis non esse exigendas. Quidam ex illis sic statuit: (a) si pecunia tibi sit otiosa, & alter ejus usu indigeat ad breve tempus, ut prospiciat praesenti necessitatibus, & de ea restituenda tibi satis cautum sit, usurae illicitae sunt. Nam tali casu perinde est, acsi pecuniam tuam interea temporis in arca depositam habuisses, aut eandem ipsi custodiendam tradidisses. Et quoniam alter usu pecuniae tuae indiget ad breve tempus, ut praesenti cuidam necessitati prospiciat, nec ipse ex eo lucrum quoddam percipit: quamobrem nulla ratio est, cur pro usu pecuniae in hoc casu aliquid exigere velis, consequenter cum ad beneficium alteri praestandum naturaliter sis obligatus, quantum in potestate est, pecuniae tuae usum gratis eidem concedere teneris. Ex hoc principio ulterius inferunt, usuras illicitas esse, si quis pecuniae tuae usu vix tantundem lucrari potest, quantum ad praesentem vitae necessitatem sufficit: item illicitas esse, si frumenti, vini aut alterius rei fungibilis, qua in praesenti ipse non indiges, quam tamen vendere nolebas, usum alteri concedis; perinde enim esse ajunt, acsi eam in futuros usus asservares; neque ullam esse rationem, cur pro usu ejus ab altero quid exigere velis. Ita optimè sentiunt & loquuntur etiam illi, qui usuras lucratorias aliquas, tanquam licitas admittunt.

(a) WOLF. *Jur. nat.* p. 4. §. 1415. 16. 20.

§. 124.

§. 124.

Tertiam classem eorum, qui pro fovendo luxu mutuum petunt, (§. 121. III.) eleganti libello deridet PLUTARCHUS. (a) A scopo non aberrare videbor, si pauca excerptam, quibus alloquitur ejusmodi hominem, mutuas petentem pecunias. Quid mensarium, inquit, aut negotiatorem demereris? quin tu à tua mensa petis mutuum? pocula habes, & paropides, & pelves argenteas: hæc usibus tuis adhibe. Mensam Aulis aut Tenedus vicissim ornabunt figlinis, purioribus quam sint argentea ista; non enim exhalant gravem istum ac moleustum foenoris odorem, tanquam æruginis quotidie contaminantis luxum, neque Kalendarum & Novilunii admonebunt: quam sacratissimam diem foeneratores atram & abominandam faciunt... Diana, quæ Ephesi colitur, debitores, qui ad ipsius templum configiunt, tutos à creditoribus & intactos præstat: at frugalitatis asylum ubique patet temperantibus &c. Ita eleganter PLUTARCHUS. Si ejusmodi homini mutuae dantur pecuniae sub foenore, dubium sæpe relinquitur, an iste majori vitio petat mutuum, an alter majori turpitudine lucrum exigat. Certè uterque magni criminis, nec minoris turpitudinis reus est. Unde apud eundem PLUTARCHUM, Rutilius foenerator cum accessisset ad Musonium, qui mutuum quærebat, Musoni, inquit, Jupiter Servator quem tu imitare, atque æmularis, non sumit pecuniam mutuam: respondit Musonius subridens, idem neque mutuò dat. Uterque scilicet, qui stoici fastus affectatione similitudinem cum Diis ambiverat, non tantùm à Superum, sed etiam honestorum virorum consuetudine æquis passibus distabat.

(a) περὶ τῆς μηδενὸς δανείζεσθαι.

§. 125.

*De quarta classe (§. 121. IV.) hoc loco aliquid di- cendum est, in qua continentur illi, qui aliunde divites, Classis IV.
mutuas*

64 *Cap. IV. Lucrum debitoris non excusat usuram.*

mutuas sumunt pecunias ad fortunas suas amplificandas, quæstuosas negotiationes, aut nova coëmenda prædia utilissimè impendendas. Ab his usurpas merè lucratorias, & strictè sumptas, solummodo propter usum pecuniarum concessum, seu quod idem est, ratione solius mutui exigere, licitum putant plerique Acatholici: negant Catholici, & cum his Doctores Ingolstadienses. Inde colligitur sensus doctrinæ ex literis Encyclicis BENEDICTI XIV. propositæ, (§. 120.) scilicet sufficientem causam exigendi aliquod lucrum non competere mutuanti ex eo, quod mutuatarius pecunias mutuò acceptas utiliter, & ad augendas opes suas impendat.

§. 126.

*Uſus
rei fun-
gibilis non
habet aſti-
mabilita-
tem*

Ajunt usurarum fautores, usum rei, quæ usu consumitur, aliquid æstimabile esse, tum quatenus interest e- jus, cui is conceditur, eundem sibi concedi; tum quatenus intererat concedentis, eundem alteri non concedi. His reponimus: quatenus interest concedentis, id fundare potest titulum lucri cessantis, vel damni emergentis, de quo in Dissertatione altera dicendum erit. Quatenus autem interest ejus, cui usus conceditur, tenemus firmissimè, non aliam esse æstimabilitatem usus, quam rei ipsius; nam pecunia, frumentum, & cæteræ res fungibles totam suam æstimabilitatem habent ex eo, quod mutuatarius possit eam consumere, in qua consumptione consistit usus rei fungibilis. (§. 36.) Si justum pretium datur pro vino vendito, ludibrio se exponet, qui mercedem peteret pro usu vini, (§. 86.) quia totam suam æstimabilitatem vinum habet ex usu, consequenter ipsum pretium vini proportionatur commoditati, quæ invenitur in usu vini. Eodem fere modo loquendum de mutuo; sicuti enim in emptione pretium debet esse æquale æstimabilitati rei venditæ; ita etiam in mutuo, res quæ restituetur, debet esse æqualis rei acceptæ: sicuti autem pro usu rei emptæ nullam

CAP. IV. *Lucrum debitoris non excusat usuram.* 5

Iam distinctam mercedem solvimus; ita etiam pro abusu seu consumptione rei mutuatæ, aliam mercedem exigere non licet, quamvis mutuatarius ex hac consumptione lucrum tulerit.

§. 127.

Instant Fceneratorum Patroni, æquè æstimabilem *distin-*
esse usum pecuniaæ, ac usum alterius rei, adeoque æquè *etiam ab*
pretium utriusque usus, pecunia determinari posse. Tu *æstimatio-*
enim, ajunt, sicut commoditatem habitandi percipis ex *ne ipsius*
ædibus meis, ita locupletior sis ex usu pecuniae meæ: e-
go autem non teneor tibi meum dare gratis: perinde
igitur est, sive tibi dem usum rei meæ, sive usum pecuniae
meæ pro pecunia. Ita illi, quibus repono, ex hoc aliud
non sequi, quæm injustitiæ me non posse argui, si alteri
rem meam non *donem*, sed vendam, locem, dem mutuam
&c. nam etiam mutuando, non concedo pecunias meas
merè liberaliter, hoc ipso, quod mutuo adhæreat obli-
gatio restituendi. (§. 43.) Nisi igitur necessitas proximi,
aliudve præceptum id exigat, plerumque homines
res, operas, pecunias suas cum aliis non omnino gratis
communicare, (quod fieret donando, vel dando ele-
mosynam) sed potius aliquid sibi ab altero rependi vo-
lunt, quod ipsis tantundem videatur, ac res, opera vel
pecunia cum illo communicanda: ad hoc requiritur com-
paratio rerum, operarum, pecuniarum commutandarum:
ista comparatio non aliter fieri potest, quæm quantitate, per
quam æqualitas obtinetur inter datum & redditum. Ista
æqualitas in mutuo plenè obtinetur per eandem quantita-
tem restitutam: (§. 39.) quidquid igitur ultra hanc quantita-
tem, id est, ultra sortem exigitur, absque ullo justo ti-
tulo percipitur, turbata contractuum æqualitate, (§. 85.)
sicuti æqualitas non servaretur in emptione-venditione,
si ultra justum rei pretium aliquid exigeretur pro usu rei,
& commoditate usus. Ulterius discriminem inter locatio-

Diss. I.

I

nem

66 CAP. IV. *Lucrum debitoris non excusat usuram.*

nem & mutuum est, (§. 50.) quod scilicet in locatio-
ne retineatur dominium, & concedatur usus, qui seor-
sum à dominio distinctam habet aestimabilitatem: econ-
tra in mutuo transferatur dominium, (§. 36.) à quo u-
sus rei fungibilis non habet distinctam aestimabilitatem;
(§. 86.) præterquam quod iniquum sit, lucrum quære-
re ex re aliena, nisi alius justus titulus suppetat. Pactum
enim contractui usurario adjectum, non est plenè sponta-
neum, cum quilibet mallet pecunias mutuas absque one-
re usurarum accipere; alias censeretur lucrum aliquod li-
beraliter donare, quod non est prohibitum accipere. (§. 59.)

§. 128.

licet igitur Mutuarius lucrum capiat.

Qualemque igitur lucrum ope pecuniae à me mu-
tuò datæ obtineat alter, nulla sanè pars lucri illius ad me
pervenire potest *ratione mutui*, sed solummodo tunc, quan-
do alius titulus simul cum mutuo occurrit, vel alias à na-
tura mutui prorsus separatus contractus celebratur. (§. 7.)

§. 129.

nulllo jure licet

Rationes hucusque allatae, ex ipsa potissimum natu-
ra Mutui desumptæ sunt. Posset tamen Propositio pro
specimine doctrinæ Pontificiæ tradita, (§. 120.) ex Le-
gibus Divinis & humanis stabiliri, quæ contra Usuras uni-
versim allatae sunt (§. 88. seq.) Nullum enim in iis fit di-
scrimen inter mutuum, ex quo mutuarius capit lu-
crum; & inter mutuum, quod debitor absque emolumen-
to consumit. Faciunt quidem sacrae Scripturæ, SS. Patres
& Legislatores in quibusdam locis mentionem pauperum,
à quibus usuras exigi vetant: (§. 88. I.) enumerantque
damna gravissima fortunis civium inde illata; (§. 104.)
quæ convenire non videntur usuris petitis ex mutuo, ex
quo Mercator aut alius dives ingens lucrum fecit. Verum
hæc

hæc omnia Legem simpliciter prohibentem non restrin-
gunt, sed potius exempli gratia sunt posita, quia frequen-
tissimum est, ut pauperes opis alienæ magis egeant, & ad
foeneratores sublevandæ suæ inopiaz causa confugere co-
gantur. Probant insuper hæ sententiæ, longè majori sce-
lere se obstringere eos, qui à pauperibus usuras exigunt.
(§. 122.) Genuinus igitur illarum sensus est: si pecuniam
mutuam dederis, præsertim pauperi, præsertim contri-
buli tuo, præsertim attenuato & infirmo; usuras ab eo
non accipias, præsertim, si ille per has exhauriatur for-
tunis, ad incitas redigatur &c. Cùm enim alibi Lex Di-
vina & humana ex rationibus in rerum natura fundatis
universim sine limitatione usuras damnent, priores illæ
sententiæ per posteriores sunt explicandæ. (§. 88. III. IV.
V. 91. 93. 94.) Si unus aut alter legum textus singulari-
ter prohiberet, ne furtivè surriperetur res pauperis, pessi-
mè quis inferret, præceptum non furandi per hos textus
restringi, licere proin furtivè surripere res divitum. Ea-
dem prorsus ratione loquendum est de Usura, quæ spe-
cies quædam est furti.

§. 130.

Itaque prohibita & illicita est usura omnis, (§. 103.)
& contra omnes. (§. 120.) Haud dubiè hoc intelligen-
dum est de usura strictè dicta, scilicet lucratoria ex mutuo:
(§. 75.) nam usura minus strictè sumpta pro lucro ex aliis
titulis obtento, licita esse potest. Qui autem in hac
phrasí, quòd usura minus strictè sumpta, sit licita depre-
hendere aut imperitiam aut hæresin credunt, ridiculos flu-
sus in simpulo movent. Verissimum quidem est, quòd
Sacri Canones & Theologi vocem *Usuræ* in deterio-
rem partem soleant accipere; sed æquè verum est, voca-
bulum hoc inter Jure-Consultos, imò etiam Theologos
rigidiores (§. 56.) sàpe benignius accipi ad denotandum
emolumenutum quacunque etiam licita ratione sorti super-

68 CAP. IV. *Lucrum debitoris non excusat usuram.*

additum, ex primæva hujus vocis significatione. (§. 54.) Arguit non nemo Danieli Concinæ amicissimus: (a) *Usura minus strictè sumpta vel participat simpliciter definitionem usuræ ut sic, vel non participat si non participat.* propositio est imperita: si abduc participat rationem usuræ ut sic, eo ipso propositio erit hæretica. Facile respondeo, usuram minus strictè sumptam participare definitionem usuræ genericè sumptæ, prout vox usuræ complectitur lucrum licitum & illicitum: (§. 56.) non autem participare definitionem usuræ strictè sumptæ. (§. 27.) Aliud est, an Auctor, qui hac propositione utitur, per usuram minus strictè sumptam intelligat tale lucrum, quod per particulam restringentem mereatur distingui à prohibita usura lucratoria; de hoc autem, ut sæpius protestati sumus, dicendum erit in Dissertatione altera: Aliud verò est, an ipsa hæc propositio, *usura minus strictè sumpta est licita*, mereatur dici *aut imperita aut hæretica;* & hanc censuram ejusque probationem, profectam putamus ex Zelo nimis amaro. Nam lata significatione usuræ poenam complectitur sicut & id quod interest: at hodie non tam ad vocum significations attendendum est, quam ne fraus legi fiat. (b) Vano igitur conatu in verba detonamus; alias etiam S. AMBROSIUS suprà allegatus, (§. 90. III.) aut imperitiæ aut hæreseos insimulari poterit, dum permittit ab hostibus exigere usuram. (c) Nam *usura in sensu hujus S. Patris, vel participat simpliciter definitionem usuræ ut sic, vel non participat &c.* Argutia Theologo indignæ!

(a) *De Contract. Censual.* §. 27.(b) *ALCIATUS ad L. lecta. 40. n. 28. 31. ff. si cert. pet.*(c) *Relatus in c. ult. XIV. q. 4.*

*consenti-
entibus
Ingolsta-*

diensibus.

§. 131.

Nullus certè ex Doctoribus Ingolstadiensibus in ma-
nus meas venit, qui Doctrinæ Pontificiæ (§. 120.) con-
tradi-

tradicat; nullus enim ex iis, quos vidi, docet, usuram strictè sumptam, nempe lucratoriam ex mutuo (§. 27.) ex eo fieri licitam, quod mutuum datum sit diviti, qui ejus subsidio quæstuosas negotiationes exercuerit, vel fortunas suas amplificaverit.



CAPUT V.

Specimen V. Sandi Rigoris.

§. 132.

USURA OBLIGAT AD RESTITUTIONEM EX JUSTITIA COMMUTATIVA. (§. 6.)

§. 133.

JUSTITIA Commutativa juxta communem acceptiōnēm *aequalitas* dicitur illa justitia particularis, qua quisque in commu-
tationibus justus est, & *aequalitas* juxta proportionem *Contra-*
arithmetican per se constituitur. Ejusdem igitur justitiæ
etiam est, violatam *aequalitatem* resarcire, cùm ista tam-
diu non constituatur, quamdiu post turbationem non
redintegratur.

§. 134.

Usura per lucrum ultra sortem perceptum leges com- *lesa per*
mutationis in contractu mutui violat, & *aequalitatem* huic *Usuram.*
contractui propriam tollit: (§. 85.) munus igitur Justi-
tiæ commutativæ est, redintegrare eam *aequalitatem*, quæ
in contractu mutui per vitium usuræ turbatur. (§. 133.)

I 3

§. 135.